



服部文庫
117
174
26



117
174
26

欽定周官義疏卷第三十三



夏官司馬第四之六

職方氏掌天下之圖以掌天下之地辨其邦國
都鄙四夷八蠻七閩九貉五戎六狄之人民與
其財用九穀六畜之數要周知其利害

白反畜
許六反

閩梅巾
反貉孟

正義鄭氏康成曰天下之圖如今司空輿地圖也鄭司

農云東方曰夷南方曰蠻西方曰戎北方曰貉狄某謂

閩蠻之別也。國語閩芋蠻矣。

賈疏案鄭語史伯曰蠻芋蠻矣不作閩後人傳寫誤

也。鄭氏以閩為正。後分為七種。故謂之七閩。

四八七九五六。周之所服國數

也。財用。泉穀貨賄也。利。金錫竹箭之屬。害。神姦。鑄鼎所

象百物也。

賈疏宣三年左傳。王孫滿對楚子。

爾雅九夷八蠻六戎五狄。

謂之四海。

賈疏爾雅數與此不同。

鄭氏鍔曰。辨其人民。則以廣

谷大川異制。民生其閒異俗。衣服飲食異宜。器械異制。

辨其財用。則以布帛財貨所資者不同。辨其九穀。則以

土之所宜。或四種五種各不同。辨其六畜。則以物之所

產。或四擾三擾各不同。故也。

案山師川師所辨之利害。謂設險之要害也。土訓誦訓

所道地。慝方慝。謂惡物汚俗之害也。知其害則利可興。

開道通津。則疆圉之利也。除惡革汚。則禮俗之利也。職

方通掌九畿。必周知之。然後封守可定。政教可頒。

通論鄭氏鍔曰。職方所掌地圖。即大司徒土地之圖也。

然大司徒所掌。以知中國九州。可以建國分封之地。且

辨土宜而施教也。職方所掌。則兼中國外蕃。而知其土

之所有。司馬施九畿之政職。必本是圖。故屬司馬而不屬司徒。

存疑 賈氏公彥曰。趙商問明堂位。九夷八蠻六戎五狄。數與此異。鄭答職方氏四夷四方夷狄也。九貉即九夷。在東方。戎狄之數。或六或五。爾雅有其數。文不甚明。故不定。

乃辨九州之國使同貫利

正義 鄭氏康成曰。貫事也。王氏昭禹曰。事之有條謂之貫。

東南曰揚州

正義 賈氏公彥曰。自此已下。陳九州之事。總為三道。先從南方起。周改禹貢。以徐梁二州合於雍青。分冀州地以為幽并。東南曰揚州。次正南曰荊州。西南不置州。統屬雍州。故即次河南曰豫州。為一道。次正東曰青州。次河東曰兗州。次正西曰雍州。為二道。又次東北曰幽州。次河內曰冀州。次正北曰并州。為三道。若禹貢治水則

以冀兗青徐為一道揚荊豫梁雍為一道先從下起與此異。易氏被曰禹貢揚州之域東距海北據淮故曰淮海惟揚州殷人以淮入徐故揚州止謂之江南周人復以入揚循禹之舊。案易氏說本爾雅九州郭璞疑爾雅所列為殷制也。

其山鎮曰會稽

會古外反

正義鄭氏康成曰鎮名山安地德者也。會稽在山陰。賈疏

山陰縣名。案夏本紀禹會諸侯于江南計功而崩。因葬焉。命曰會稽。會稽者會計也。易氏被曰

會稽。漢志屬會稽之山陰縣。唐為越州會稽縣。山在東

南二十里。今州為紹興府。薛氏曰兗之岱。荊之衡。雍

之嶽。并之恆。豫之華。五州五鎮。各正其方。所謂五嶽是

也。青之沂山。幽之醫無閭。冀之霍山。揚之會稽。不可以

嶽名也。則謂之鎮而已。總言之四鎮五嶽皆山鎮也。

其澤藪曰具區

正義鄭氏康成曰大澤曰藪。賈疏案澤虞職注水鍾曰澤。水希曰藪。則澤藪別。此

注大澤曰藪者。澤藪相因故也。具區在吳南。易氏被曰孔安國云震

澤。吳南太湖名。孔穎達云吳縣治居震澤之東北。故傳

謂在吳南。而地理志云具區在西也。唐屬蘇州。今爲平江府。王氏鏊曰。太湖在蘇州西南四十五里。廣三萬六千頃。中有七十二山。蘇州之吳縣。吳江。湖州之烏程。長興。常州之宜興。武進。無錫。皆濱之。其上源西北有寧國。建康諸水。至溧陽。并延陵。丹陽諸水。於宜興。由百瀆以入。西南有苕霅諸水。會於長興。烏程。由七十二瀆。以入。下流皆由吳江縣之南。入於松江。以歸海。一名震澤。書震澤底定是也。一名具區。職方揚州之藪曰具區是也。

其川三江

釋黃氏度曰。韋昭以松江。浙江。浦陽江爲三江。郭璞以岷江。松江。浙江爲三江。大抵吳越去海近。水多自爲瀆。俗皆稱爲江。有三焉。則謂之三江。其實皆小水。非禹貢職方之三江也。范蠡所云三江。當爲浙。錢。清。剡。子胥所云三江。則郭景純說近之。蓋岷江自彭蠡而下。合池。宣昇。潤。真。揚。諸州水在其北。松江合湖。秀。蘇。常。諸州水

居其中。浙江合衢婺徽嚴杭越諸州水在其南。此為全吳地域也。歸氏有光曰。古今論三江者。班固韋昭桑欽之說近之。但固以蕪湖東至陽羨入海。昭分錢塘江浦陽江為二。桑欽謂南江自牛渚上桐水過安吉歷長瀆。為不習地勢。程大昌辨之詳矣。然孔安國蘇軾所論亦未必然也。今從郭璞以岷江松江浙江為三江。蓋自揚州斜轉東南。揚子江吳松江錢塘江三處入海。而皆以江名。其為三江無疑。直學邊實修崑山志言大海自

西泮分南北。由轉斜而西。朱陳沙謂之揚子江口。由徘徊頭而北。黃魚塚謂之吳松江口。浮子門而上。謂之錢塘江口。以此驗之。禹迹無改。

三江之目。言人人殊。曰松江婁江東江者。此吳之一

隅。曰浙江錢清江剡江者。此越之一隅。浦陽江與剡溪合。下流為曹娥江。

皆土人因其支別有三而名之。不足當三江之正。揚州之域。北跨大江南踰會稽。則岷江在北。浙江在南。而松江居其中。此說無以易矣。韋昭分浦陽與浙為二。而

浦陽特浙之支耳。桑欽謂大江水自貴口分流。過安吉而入震澤。而不知貴池以東。宣歙之間。中高不相接也。班固謂蕪湖水東至陽羨。則漢時固然。蓋高淳縣東五十里。其地中高。本不與江相通。春秋時。伍員伐楚。穿渠以運。因名胥溪。江水漫溢。則倒灌胥溪。而趨陽羨。以入震澤。而三代以前。本未通也。自明築廣通埭。今俗名蕪湖以西之水。仍入大江矣。若禹貢東為北江。東為中江者。則專就岷江而別之。且在揚州之上流。要非職方所指也。

其浸五湖

浸子
陰反

鄭氏康成曰。浸。可以為陂灌溉者。

張勃陸龜蒙輩。皆謂五湖即太湖。或云以周行五百里故名。或云上稟咸池五車之氣。或云環湖隨地異稱。有菱湖。莫湖。游湖。貢湖。胥湖之別。若然。則經既言澤藪具區。不必更言其浸五湖矣。且揚州地域遼濶。湖浸繁多。胡舍其可紀者。而必複舉具區之一。以當二乎。是則

具區縱有五湖之名。而必非職方之五湖也。虞翻曰。滬湖。洮湖。射湖。貴湖。及太湖。為五。韋昭曰。胥湖。蠡湖。洮湖。滬湖。就太湖而五。李圖以彭蠡。巢湖。鑑湖。洞庭。并太湖而五。柯山以射陽湖。丹陽湖。彭蠡湖。青草湖。并太湖而五。洞庭。青草。當屬荊州。非揚域也。大抵楚州之射陽。洪州之彭蠡。巢縣之巢湖。暨洮。滬。鑑等。皆為南方之浸。或當數其尤大之五者。而具區既列澤藪。則不復數之。與每州澤藪一。舉其尤大者以表之。猶山之有鎮也。川

與浸。則或一。或二。或三。或五。以包其餘。山一而川澤多者。舟楫灌溉之利。其用廣也。

其利金錫竹箭。其民五男一女。其畜宜鳥獸。其

穀宜稻。注故書箭為晉杜子春云。晉當為箭。書亦或為箭。

鄭氏康成曰。錫。鐵也。箭。篠也。賈疏。箭一名篠。故禹貢云。篠簜。是一物二

名也。鳥獸。孔雀。鸞。鵠。犀。象之屬。易氏被曰。禹貢揚州

惟金三品。瑤琨。篠簜。爾雅會稽之竹箭。考工記。吳越之金錫。稻生於水澤之地。揚州居東南之極。及支川下

流之所歸。厥土為塗泥。為沮洳。故其穀宜稻。

國九州男女之數。所以皆可凡數者。司民自生齒以上。皆書於版。而諸侯歲獻民數。則按籍可稽。所以具列於職方者。男女偏多偏少之地。所以差其征役。紀其作業者。政教不得而同也。

正南曰荊州。

正義易氏祓曰。禹貢荊及衡陽。惟荊州。殷之荊州。其北境曰漢南。以地理志考之。荆山在南郡臨沮縣。漢水又

在其北。正屬襄陽。言漢南則跨荆山之北。至周復以荆門之北屬豫州。復禹封域。

其山鎮曰衡山。

正義鄭氏康成曰。衡山在湘南。蔡氏沈曰。衡山南嶽

也。廣雅。岫。嶺。謂之衡山。地志在長沙國湘南縣。今潭州衡山縣。案

山縣。宋屬潭州。今屬衡州府。易氏祓曰。衡山。漢志在長沙國湘南

縣東南。唐屬衡州衡陽縣。本鄴縣地。衡山連亘數邑。凡鄴縣之東北。以至湘南縣之東南。皆衡山也。

其澤數曰雲菅。菅鳴鳳反

釋義鄭氏康成曰雲菅在華容。杜氏預曰楚之雲菅

跨江南北。賈氏公彥曰案禹貢荊州雲土夢作又注

其中有平土丘水去可作畎晦之治則據有水之處亦

得為澤也。易氏祓曰雲夢澤漢志在南郡華容縣南

司馬相如言雲夢方八九百里則雲菅非止一澤隨所

在而為之名。左傳定四年楚子涉睢濟江入於雲中則

知在江之北者為雲。昭二年楚子以鄭伯田于江南之

夢則知在江之南者為菅。禹貢言雲土夢作又蓋南高

北下不等故江北之雲方見土而江南之夢已作又其

勢然也。又知曰禹貢言雲土夢作又蓋南高

釋義漢書地理志雲夢澤在南郡華容縣南。漢華容縣今

石首二縣地非今岳州府之華容縣水經注雲杜縣今安陸府東北有雲

夢城。又夏水東逕監利縣南。縣土卑下澤多陂隴西南

自州陵今安陸府東界逕於雲杜沌陽今漢陽府為雲

菅之藪。杜預云枝江縣今屬荊州府安陸縣今屬德安府有雲夢

元和志。雲夢澤在安陸縣南五十里。又云。雲夢澤在雲夢縣西七里。今屬德安府。然則東抵蘄州。西抵枝江。京山以南。青草以北。皆為古之雲夢。所謂雲夢一澤而每處有名者也。

其川江漢。

正義易氏被曰。禹貢所記。江漢皆發源於梁州。周官不載梁州山川。故至荊州而後言其川江漢也。江自今歸州之秭歸縣。至鄂州之武昌縣。凡一千四百餘里。漢江

自今均州之武當縣。至漢陽軍之漢陽縣。凡一千四百餘里。皆荊州之地。江漢分流於其間。至是合流。詩曰。滔滔江漢。南國之紀。是也。

圖江水出今四川松潘衛北西蕃間。源有三支。正支自浪架嶺。岷山之隨地異名者。南流。東支自弓楨口。至樟臘營。合正

支。西支自殺虎塘。至黃勝關。合正支。南經茂州。威州。汶川縣。以至灌縣。離堆。岐為數十股。滂沱南下。左抱成都府。西環崇慶州。眾流以次會於新津縣南。又南行。逕眉

州嘉定州。至敘州府東南。合金沙江。折而東北流。至重慶府。嘉陵江涪江自北來。合流入之。又東北經夔州府。巫山縣入湖廣界。東流至夷陵州。東南流至枝江縣。又東流至荊州府。折而南流。至石首縣。又東流至監利縣。又南流至岳州府。折而東北流。至武昌府。與漢水合。又東流至黃州府。又東南流入江西界。至湖口縣。鄱陽水合之。又東北流入江南界。經江寧府鎮江府。至通州入海。漢水出今陝西漢中府寧羌州北嶓冢山。初名漾水。

未至南鄭縣南。為漢水。東流至白河縣。入湖廣界。又東流經鄖縣。至均州。又東南流。歷光化穀城二縣。至襄陽縣。東津灣折而南流。經鍾祥縣。至潛江縣。大漢口。復東流。經漢川縣。至漢陽縣。漢口。合岷江。

賈氏公彥曰。江在荊州。未分為三。故直云江。有漢水過焉。故江漢竝言也。

其浸潁湛。

潁音沈。又直減反。

鄭氏康成曰。潁出陽城。宜屬豫州。在此。非也。賈疏據地。

理志。合在豫州。又昭元年左傳。王使劉定公勞趙孟于潁。亦在豫州。湛未聞。易氏被曰。襄十六年左傳。楚公子格帥師及晉師戰于湛阪。杜注。襄城昆陽縣北有湛水。東入汝。案地志。襄城即今汝州之襄城縣。昆陽故城在今汝州之葉縣。皆古豫州之地。經以為荆州之浸。必有脫誤處。

黃氏度曰。鄭氏言潁宜屬豫州。據禹貢也。然周人畫地或有所更革。湛水。酈道元水經注。出隼縣北魚齒山西北。東南流。歷魚齒山下。為湛浦。注云未聞疎也。案

今汝州魯山縣。即漢之隼縣。魚齒山在龍興縣。連接梁

縣。是則周荆州界自隨。巴唐鄧東北至汝潁。與豫州分

界。而荆牧治宛。宣王封申伯。案詩高高篔篹。命申伯為候伯。孔疏。申國在宛。故云。

經曰。浸。則必緒水之陂澤也。潁。湛。特川之小者。無論荆豫睽隔。抑亦不可以浸名矣。荆州地域廣遠。雲夢而外。洞庭青草太白諸湖不少。乃欲借浸於鄰壤乎。蓋古今名號無常。或經傳字畫訛異。不可得而確指。而要非楚竟諸湖不可被此名也。

其利丹銀齒革其民一男二女其畜宜鳥獸其穀宜稻。

正義鄭氏康成曰齒象齒也革犀兕革也。賈疏革用為甲故函人有

犀革春秋傳犀兕尚多王氏志長曰禹貢荊州厥貢羽毛齒革

惟金三品礪砥磬丹。易氏被曰禹貢荊州亦言金與

籟楛則未嘗無金錫竹箭揚州亦言齒革及惟金三品

則未嘗無丹銀齒革特以其地產之多者言之

河南曰豫州

正義易氏被曰禹貢荊河豫州其封在大河之南南條

荆山之北故曰荆河殷之豫州則南境距漢北境接河

故曰河南周人於豫州亦曰河南而南境則仍禹貢之

舊

正義以華山為鎮則禹貢雍州東南之境亦入豫

其山鎮曰華山。華如字又胡化反

正義鄭氏康成曰華山在華陰。案華陰縣今屬同州府易氏被

曰華山漢志太華山在京兆華陰縣南後漢華陰屬弘

農郡。唐及今為華陰縣。

其澤數曰圃田。

圃音補

正義鄭氏康成曰圃田在中牟。易氏被曰圃田澤。漢

志在河南郡中牟縣西。唐以縣屬鄭州。今屬開封府。圃

田澤一名原圃。

其川榮雒。

榮戶青反

正義鄭氏康成曰榮充水也。出東垣入於河。洸為榮。榮

在榮陽。

案充水即沈水出河東郡垣縣注云出東垣東字衍文也

易氏被曰榮水。

禹貢導沈水東流為濟入於河。溢為榮是也。厥後濟不

溢河。榮澤遂枯。漢志河南郡雖有榮陽縣而不言榮澤。

但云有狼湯渠首受洸。東南至陳入潁。唐元和志鄭州

榮陽縣西北四里有故瀆。恐未必然。蓋水北為陽。縣當

在澤北。不當澤在縣北也。雒水。漢志出弘農郡上雒縣

冢嶺山。東北至鞏縣入河。唐志冢嶺山在商州洛南縣

南七十里。洛水所出也。又東流至州之上洛縣。又東流

至虢州盧氏縣界。熊耳山在縣南五十里。又東至河南

府之鞏縣。會伊澗瀍之水以入於河。

滎澤在今河南開封府滎陽縣南三里古城村。案孔安國書傳云。滎澤波水已成。遏豬。正義曰。鄭云。今塞為平地。滎陽民猶謂其處為滎澤。在其縣東。雒水出今陝西西安府雒南縣冢嶺山。至河南府鞏縣入河。

其浸波澁。

澁莊加反。又音詐。

正義鄭氏康成曰。波讀為播。禹貢滎播既豬。春秋傳。楚

子除道梁澁。營軍臨澁。賈疏莊四年左傳則澁宜屬荊州。在此。

非也。易氏被曰。波注讀為播。孔安國亦言禹貢有播

水無波水。音與播同。古字從山從番。讀為播冢之播。爾

雅水自洛出為波。其地蓋在盧氏鞏縣之間。即今商號

州河南府之地也。案易氏以水自洛出為波。而洛水自

之辭。盧氏在西南。鞏在東北。相去七八百里。從何處覓

波水。若商號則皆深山。河南府又廓落。無可指也。號

陝州。**存疑**易氏被曰。澁水左傳莊四年楚令尹鬬祁莫敖屈

重。除道梁澁。營軍臨澁。杜氏以為澁水在義陽厥縣西。

東南入鄖水。義陽卽今信陽軍之西。去隨甚近。唐志。澁水出隨州隨縣西四十里。此正古豫州之地。康成以爲宜屬荊州。蓋漢人誤以南陽郡爲荊州。不知古荊在荊山之南。康成徇漢地志而誤也。黃氏度曰。水經注。魯陽縣霍陽西大嶺東谷。俗謂之歇馬嶺。卽應劭所謂孤山。波水所出也。水南流入淠。杜佑通典。此爲豫浸之波。魯陽。今魯山縣霍陽山。在今梁縣。俗稱峴山。又水經注。澁水出隨州隨縣黃山南。南流入鄖。今案職方諸浸多

相接。而豫浸波澁原委頗異。又相去遠。而馬融廣成澤頌亦曰。浸以波澁。波近廣成澤。澁則遠矣。不知何以自古聯稱。

潁澁二字。疑傳寫互譌。豫州當曰潁波。荊州當曰澁。澁鄭注似不可破。禹貢滎波既豬。孔安國以爲一水。滎波卽滎澤也。職方旣言其川滎。則澤不應復數波。豈所指卽魯山之波與。抑滎波當爲浸。而川之滎有訛誤與。易氏引唐志。澁水出隨州隨縣。此正古豫州之地。

康成誤以南陽郡為荊州。徇漢地志而誤。此說似可聽。但澆最近南。且屬豫浸矣。凡潁湛波之在北者。荆又安能軼有之哉。

其利林漆絲枲。其民二男三女。其畜宜六擾。其

穀宜五種。泉思里反

正義鄭氏康成曰。林竹木也。賈疏地官山林別官。鄭注竹木生平地曰林。六

擾馬牛羊豕犬雞五種。黍稷菽麥稻。賈疏豫州東與青州相接。青州有稻

麥。西與雍州相接。雍州有黍稷。故知有此四種。麻菽及菰俱不見此經。鄭取菽者。蓋以當時目驗而知。

王氏志長曰。禹貢豫州厥貢漆枲絺紵。郝氏敬曰。豫

州畜穀獨全者。土氣正中也。

正東曰青州

正義易氏祓曰。禹貢有青有兗有徐。殷并青於徐。而徐

兼揚之淮。故江南曰揚州。周復以淮歸揚。而并徐於青。

正在畿東。故曰正東。

圖淮於禹貢屬徐。孟諸屬豫。据下文川澤。則青州之西

南侵豫。南并徐。且跨淮而與揚接矣。

其山鎮曰沂山

正義鄭氏康成曰沂山沂水所出也在蓋賈疏沂水出沂山水乃取名於山地理志沂水出今太山郡蓋縣

易氏被曰唐沂州沂水縣本漢

東莞縣屬瑯邪郡沂山在縣北一百二十四里

案漢志沂水出泰山郡蓋縣唐志沂州沂水縣有沂山

實一山也延亘兩地耳在今山東青州府臨朐縣南白五十里

其澤數曰望諸

正義鄭氏康成曰望諸明都也賈疏案禹貢道柯澤被明都禹貢無望諸故從

明都又案春秋宋數澤有孟諸明都即孟諸也在睢陽 易氏被曰孟諸澤唐

志在宋州虞城縣西北十里漢屬沛郡今屬南京應天

府孟諸俗號盟諸故書謂之孟諸周官謂之望諸漢志

謂之盟都史記謂之明都其實一也

案孟豬澤今河南歸德府商邱虞城二縣界有孟諸臺

寰宇記云虞城孟諸澤俗呼為滑臺蓋澤中有臺也漢

睢陽縣今商邱縣宋南京應天府今歸德府

其川淮泗。

正義賈氏公彥曰。案禹貢。海岱及淮惟徐州。又云淮沂

其乂。此在青州者。周以禹貢徐州地為青故也。又禹貢

淮出桐栢。泗水在魯國。出濟陰。乘氏東。又至睢陵入淮。

行千二百一十里。江河淮泗漢洛等。注不釋所出者。以

禹貢有成文。如導洛自熊耳。導渭自鳥鼠。導河自積石。

導江自岷山。導淮自桐栢。導漢自嶓冢是也。案康成作

禹貢注明。故周官職方不另釋以示互見。書注已於之意。今但存孔安國書傳。而鄭注亡矣。**易氏**被曰。

禹貢導淮自桐栢。漢志南陽郡平氏縣桐栢大復山在

其東南。唐為桐栢縣。屬唐州。淮水所出也。案河南志。昭

西三十里。又東流至蔡州之真陽。又至申州之義陽縣。魯在桐栢縣

名大復山。今為信陽軍信陽縣。又東流至光州定城縣。又東北流

至濠州招信縣。招信縣今屬泗州。本漢臨淮郡淮陵縣

地。乃古徐州之域。漢志所謂淮至淮陵入海者也。又東

北經楚州之盱眙縣。今為盱眙軍。與泗州隔淮相對。又

至楚州山陽縣入海。泗水。漢志所載有二。其一在濟陰

郡乘氏縣東南。至睢陵入淮。此孔安國引以證禹貢者。漢乘氏屬濟陰郡。唐以郡為曹州。今為興仁府。縣屬焉。睢陵即今泗州招信縣之北境也。又一出魯國下縣西南。至方與入沛。唐元和志。下與方與皆在兗州。今襲慶府泗水縣東陪尾山。泗水出焉。其源有四。西南流至本州曲阜縣北。分為二流。北為洙。南為泗。其間即孔子設教之地。又西南二十五里至本州瑕邱縣西二十五里。洙復與泗合。又南流至本州魚臺縣界。縣本漢方與也。

屬山陽郡。即所謂自方與入沛者也。又東南流經徐州沛縣。漢屬沛郡。即所謂自沛入淮者也。又東南經徐州彭城縣。又至泗州以入於淮。徐兗泗州皆古徐州之境。周并於青。

圖 淮水發源河南南陽府桐柏縣桐柏山。山下有淮井。泉源所出。

水經云。出胎簪山者。即桐栢之支峰也。東流至光州東北。會汝水。出汝寧府遂平縣西六十里洪山。又東由固始縣入江南潁州府界。又東流至潁上縣東南。淠水入之。又東北至懷

遠縣合過河。又東經長淮衛。至五河縣。合澮河。又東經泗州城南。盱眙城北。漫衍入洪澤湖。東北出淮安府清河縣之清口。與黃河會。東則刷黃河以入海。南則入運河以濟漕。歷揚州府之寶應縣。高郵州。抵江都縣。入揚子江。案江淮本未通。春秋時。吳伐齊於廣陵城。東南築邗城。城下掘深溝。謂之邗江。東北通射陽湖。而北至宋口屬淮。此溝通江淮之故道也。至晉永和。中江都水斷。乃於歐陽埭。在江都縣西南。引江至廣陵城。而北出白馬湖。合

中瀆。以至淮。謂之山陽瀆。隋時又開廣之以通戰艦。明初陳瑄循故瀆。開新運河以通漕。即今之運道也。泗水出山東兗州府泗水縣東五十里陪尾山。四源竝發。故名。西南流至兗州府城東金口壩。分為二派。一越壩西南流至濟寧州界為泗河。又西南至魯橋入運河。一從壩上西流至兗州府城西為府河。又西南至濟寧州東合洸水。又西南至天井牖入運河。

其浸沂沭

述 沭音

正義鄭氏康成曰。流。出東莞。賈氏公彥曰。流出東莞。

屬琅邪。南至下邳入泗。案漢志。琅邪郡東莞縣術水。南至下邳入泗。青州。師古曰。術

水即流水也。蔡氏沈曰。沂水。地志云。出泰山郡蓋縣艾山。

寰宇記。艾山一名臨樂。今沂州沂水縣也。易氏祓曰。沂水。漢志。

在泰山郡蓋縣。南至下邳入泗。蓋縣在唐及今皆兗州

之境。下邳唐屬泗州。今為淮陽軍。沂水經下邳。分為二。

一於城北西南入泗。一經城東亦注泗。謂之小沂水。流

水。漢志在琅邪郡東莞縣。南至下邳入泗。案唐志。沂州

沂水縣。本漢東莞縣地。流水所出。東南至泗州下邳縣。

又東北至泗州漣水縣。今為漣水軍。至此與泗水合而

入淮。

圖沂水。出山東沂州府沂水縣西北一百七十里雕崖

山。鄭康成云。沂水出沂山。或云臨樂山。酈道元云。沂水出艾山。蓋雕崖臨樂艾山。皆沂山支阜之異名也。

接蒙陰縣界。南流至江南淮安府宿遷縣北。匯為駱馬

湖。又南入運河。流水。出沂水縣北大弁山。東南流逕莒

州蘭山郟城界。至江南流陽縣。逕桑漚湖為漣水。

薛氏季宣曰先鄭以青州之淮或為睢流或為洙直謂宋有次睢魯有洙泗曾不謂青之包徐也

其利蒲魚其民一男二女其畜豕且雞狗其穀宜稻麥

正義易氏祓曰禹貢於徐州言淮夷蠙珠暨魚周并徐於青故青州其利蒲魚

存疑鄭氏康成曰二男二女其數等似誤也當與兗州同一男三女賈疏青州西北與兗州相接故宜與兗州同一男三女案鄭意若相等當云一男

一女故疑誤

河東曰兗州

正義易氏祓曰夏殷皆言濟河惟兗州謂東河之東濟水之北也周人以青兼徐而兗州又越濟之東南故徐之岱山職方以為兗之鎮山徐之大野職方以為兗之澤數也故曰河東

考兗以岱為鎮則其東南侵入青徐大野亦徐境也周無徐州蓋分隸於青兗矣禹貢兗壤最小此稍擴焉

其山鎮曰岱山

正義鄭氏康成曰岱山在博。案春秋博邑今泰安縣。易氏祓曰。

岱山漢志在泰山郡博縣西北博在唐為乾封屬兗州。今為襲慶府奉符縣泰山一曰岱山禹貢海岱惟青州。海岱及淮惟徐州是青州在岱山東北徐州在岱山東南周并徐入青而不以岱屬青州兗在西北實兼有其

地也。案襲慶府今之兗州府奉符縣今泰安府之泰安縣。

其澤藪曰大野

正義鄭氏康成曰大野在鉅野。元和志曰大野澤一

名鉅野在鄆州鉅野縣東五里。鉅野縣今屬山東曹州府。南北三百

里東西百餘里。易氏祓曰大野澤漢志在泰山郡鉅

野縣北唐以縣屬鄆州今屬濟州案禹貢徐州言大野

既豬周無徐州故以屬兗。王氏樵曰或云鄆州中都

西南有大野陂鄆州今東平州即古東原而中都則汶

上縣也今南旺湖實在汶上西南縈迴百五十餘里漕

河貫乎其中西湖廣衍倍於東湖東湖北接馬踏伍莊

坡湖以及安山。南接蜀山馬場坡湖以及昭陽諸湖。連互數百里。而東原徐鄆諸邑。又悉環列左右。與古經志合。是南旺湖卽古大野無疑。

其川河沛

沛子禮反

正義易氏被曰。禹貢言導河積石。案漢志。積石山在金城郡河關縣西。南羌中河水行塞外。東北入塞內。唐及今爲積石軍。然禹導河始於積石。其實河源遠在西塞之外。漢張騫窮河源。未至崑崙。故漢志及水經注皆不

知其地。唐穆宗長慶元年。劉元鼎使吐蕃歸。乃言湟水出蒙谷抵龍泉。與河合。溯河之上流。絲洪濟渠西南行。二千里。水益狹。其南三百里。三山中高而四下。曰紫山。古所謂崑崙者也。其地蓋劍南之西。蕃曰悶摩黎山。河源其間。色赤。行益遠。他水并注則濁。自此東北行。直莫賀延磧尾。入吐谷渾。以至積石。東北流至鄯州龍天縣界。又東流至河州枹罕縣界。又東流至蘭州五泉縣。又東北流至會州會寧縣。又東北流至靈州迴樂縣。又東

北流至三受降城。又東迤南至朔州之鄯陽縣。又南流至嵐州合阿縣。又南流至石州臨泉縣。又南流至隰州永和縣。又南流至慈州吉昌縣。又南流至絳州龍門縣。今以縣屬河中府。乃龍門口。卽禹貢所謂至于龍門者也。又南流至蒲州。蒲州對河爲華州華陰縣。大華山在縣西八里。河經大華之北。卽禹貢所謂南至華陰者也。至此方自南迤東至陝州陝右縣。今爲陝縣。有底柱山。在黃河中。禹貢所謂東至于底柱者也。又東流至河南府之王屋縣。又東流經府之河陽縣。今爲孟州。有孟津。禹貢所謂東至于孟津是也。又東流經府之鞏縣。有洛水入河。禹貢所謂東過洛汭是也。又東流至衛州汲縣。其黎陽縣有黎山。卽禹貢所謂至于大伾是也。又東北流至相州臨河縣。又東北流至澶州頓邱縣。又北流至魏州貴鄉縣。今省入於大名府之元城縣。又東北流至貝州經城縣。今省入大名府之宗城縣。又東北流至冀州南宮縣。禹貢洛水亦入河。以禹河東徙。故自入海而

不入于河。洛水故瀆在縣東南六里。禹貢所謂北過洛水是也。又冀州西北接邗趙深三州。三州皆有大陸澤。禹貢所謂至于大陸是也。又東北流至滄州饒安縣。卽禹貢北播爲九河。同爲逆河入于海之地。河行萬餘里。豈獨謂兗州之川。禹貢濟河惟兗州。卽其地考之。自魏至滄。凡一千三百餘里。其河之東境。皆兗州之域也。涉水經及漢志。字皆從水從步。說文涉字注。出兗州之川。惟禹貢從水從齊。又案漢志從水從齊者。其水出常山。

郡房子縣贊皇山。乃別一水名。則此二字音同實異。後世雖例以從水從齊者爲兗州之川。其實乃字之誤。當以古文爲正。案禹貢導沈水。東流爲濟。考之在河東郡之垣縣。王屋山在縣東北。沈水所出。伏流至河內郡之軹縣。唐爲濟源縣。以濟水出平地。有二源。故名濟源。南流入于河。禹貢入河。復截河而南。溢爲滎。滎在鄭州滎澤縣。本漢滎陽縣北。實受溢河之濟水。濟水自春秋後。不復截河而入于滎。今雖有滎澤。而故瀆湮塞。不可考。

矣。又東至汴州。又東北至曹州。為陶邱。又東北至荷澤。在廣濟軍之東北。自河至此。凡七百餘里。皆古濟所經之地。今不復有濟水。但存其名而已。荷澤雖不受濟水。亦自有源。仍舊東流。俗因其舊。亦以濟名之。然東南流。至兗州金鄉魚臺。入徐州沛縣。與泗水合而入淮。又一派。禹貢濟水至荷澤。即東北會於汶。汶水出兗州乾符縣。今襲慶府奉符縣。北流至鄆州須昌縣。又東北流至齊州臨邑縣。又東北流至淄州高苑縣。又東流至青州。

博昌縣。以入於海。自汶水至此。皆古濟之地。實古兗州之域也。

河。出今西蕃巴顏喀拉山東。名阿爾坦河。東北流三百餘里。合鄂敦塔拉諸泉源。大小千百泓。錯列如星。元史所謂火敦腦兒。即星宿

海也。匯為查靈鄂靈二海子。各周三百餘里。東西相距五十餘里。元史所謂匯二巨澤。名阿刺腦兒也。折而北。經蒙古托羅海山之南。轉東南流千餘

里。南北受數十小水。經烏藍莽乃山下。有多母打禿昆多倫河。多拉昆多倫河。自東南來入之。元史所謂納鄰哈刺乞兒馬出

二水也。自此折而西北流三百餘里。前後小水奔注。不可

勝計。繞阿木你馬勒產母孫山之東。即元史所謂崑崙山也。流百

五十餘里。有齊普河。呼呼烏蘇河。自西來入之。又迤邐

東北流三百餘里。會哈克圖袞俄羅濟諸水。歷歸德堡。

元史作貴德州。經積石山。至陝西臨洮府河州。入中國界。過蘭

州。又折而東北。經寧夏府。流出塞外。河以內為河套地。又東南

至延安府府谷縣入塞。河以東為山西界。南流至潼關縣。又折

而東。由河南山東界。至江南淮安府之東。縣入海。沈水

即沛之上流。蔡傳所謂發源為沔。既東為沛是也。沛水

出今河南懷慶府濟源縣王屋山。既見而伏。至濟源縣

西北五里。重源顯發。有東西二池。合流至溫縣東南入

河。其後濟水枯不復截河。今所謂濟。非復禹時及周時

之舊矣。

其浸廬維。廬維依注作雷。雍廬石經作廬。

鄭氏康成曰廬維當為雷雍字之誤也。禹貢雷夏

既澤。雍沮會同。賈疏禹貢及地理志無廬維。又字類雷雍。故從之。雷夏在城陽。

易氏說曰。注廬維當為雷雍。蓋以濮州雷澤縣。雷夏澤在其北。案雷澤縣今曹州府濮州。又澠沮二水源俱出雷夏澤。正兗州之境也。

雷夏。今山東曹州府濮州東南有雷澤。接荷澤縣界。水經注云。雷澤在大城陽故城西北十餘里。其陂東西二十餘里。南北十五里。即舜所漁也。元和志。澠。沮水。俱出濮州雷澤縣西北平地。去縣四十里。九域志。濮州有沮溝。即禹貢澠沮會同是也。宋時河決曹濮。而澠沮

之源適當其衝。久而泥滓填淤。二水遂涸。蔡氏沈以反。睢當之。非是。韓汝節云。反睢在豫徐之境。無預於兗州。而兗自有澠沮也。

盧水。顏師古曰。盧水在濟北盧縣。康成讀為雷。非也。唐以盧縣屬鄆州。今廢入陽穀。案今濟南府長清縣西有廢盧縣。蔡氏

沈曰。澠水。地志云。出琅邪郡箕縣。今密州莒縣。案莒縣今沂州。府莒。東北維山。北至都昌入海。今濰州昌邑也。案濰州屬萊州府。黃氏度曰。澠水出密州莒縣。澠山北至濰州昌

邑縣入海。盧水水經注出密州諸城縣盧山。即久台水

也。西北入濰。案康成以盧濰為雷雍。解自明白。師古以

台水下流入濰水。水經注謂之盧水。較師古說又似易曉。然究地之浸。俱在青州。何也。

濰水出今山東沂州府莒州西北九十里箕屋山。即

濰山也。土人名為淮河。淮即濰字。通作維惟。並見漢書地理志。其淮沂之淮從佳。與此

異。東流逕諸城縣西。折而北。至萊州府昌邑縣東北五

十里入海。

其利蒲魚。其民二男三女。其立。豈宜六擾。其穀宜

四種

鄭氏康成曰。四種黍稷稻麥。賈疏。兗州東與青州相接。青州有稻麥。西

與冀州相接。冀州有黍稷。故知為此四種。

正西曰雍州。雍於用反

易氏祓曰。禹貢有雍有梁。故梁為正西。而雍為西

北。殷周皆省梁入雍。故雍州為正西。

雍於中國為正西。職方無梁。則雍直互南北矣。所以

無梁者。蜀中險遠。必其時有未入版圖者也。以華為豫

之鎮則雍之東境有分入於豫者。

其山鎮曰嶽山

正義鄭氏康成曰嶽吳嶽也。蔡氏沈曰地志扶風汧

縣西吳山古文以為岍山今隴州吳山縣吳嶽山也。案

山縣今隴州。屬鳳翔府。職方雍州山鎮曰嶽山晁氏以為今之隴

山天井金門秦嶺皆是

案岍山漢書地理志名吳山在今陝西鳳翔府隴州南

八十里

其澤藪曰弦蒲

正義鄭氏康成曰弦蒲在汧。鄭司農云弦或為汧蒲

或為浦。賈氏公彥曰案地理志吳嶽山在汧縣西有

弦蒲之藪汧水出焉西北入渭。易氏祓曰弦蒲漢志

扶風汧縣北有蒲谷鄉弦中谷雍州藪也今屬隴州汧

源縣

其川涇內

正義淮南子曰涇出薄落之山。高誘注薄落一名升頭山括地志并頭山一名

崆峒山在原 鄭氏康成曰涇出涇陽。汭在豳地。詩大

州平涼縣西。 雅公劉篇汭沉之卽。 蔡氏沈曰涇水。地志出安定郡

涇陽縣西。今原州百泉縣岍頭山也。東南至馮翊陽陵

縣入渭。今高陵縣也。汭水。地志作芮。扶風汧縣弦蒲藪

芮水出其西北。東入涇。今隴州汧源縣弦蒲藪有汭水

焉。 易氏祓曰涇水。漢志安定郡涇陽縣。岍頭山在其

西。涇水所出。唐以涇陽縣為平涼屬原州。今屬渭州。又

東南流。至涇州臨涇保定二縣。又東南至邠州之宜祿

新平永壽三縣。又東北流。至京兆府之醴泉高陵雲陽

三縣。以入渭。汭水者。非禹貢所謂芮也。禹貢言芮渭水

之北。此汭則雍州之川名。漢志出右扶風汧縣之西北

東流入涇。此正公劉居豳之地。詩所謂芮鞠之卽也。徐

廣曰。古豳城在邠州東北二十九里。三水縣界。唐志涇

州臨涇縣有汭水。西自隴州華亭縣流入。一名宜祿川。

涇隴二州在邠州之西。則非卽邠州之汭。然要皆雍州

之川也。

涇水出陝西平涼府平涼縣西南笄頭山亦名崆峒山東至西安府高陵縣西南入渭。汭水出平涼府華亭縣有二源北源出湫頭山之朝那湫南源出齊山至縣東與北河合又東至涇州西北入涇。

其浸渭洛。

正義鄭氏康成曰洛出懷德。賈氏公彥曰洛即詩瞻彼洛矣之洛與禹貢導洛自熊耳者別。蔡氏沈曰渭水地志出隴西郡首陽縣西南今渭州渭源縣鳥鼠山

西北南谷山也東至京兆船司空縣入河今華州華陰縣也。易氏被曰渭水。英志出隴西郡首陽縣西南之鳥鼠同穴山唐省首陽入渭源今置渭源堡屬熙州渭水有三源正東微南流至州之襄武縣又東流至鞏州之隴西縣又東流至秦州上卦縣又東流至隴州南田縣今省入吳山又東流至鳳翔府岐山縣又東流至京兆府萬年縣又東流至華州華陰縣東北入於河謂之渭口禹貢所謂汭是也洛水別是雍州一浸非禹貢導

洛自熊耳之洛。

渭水出陝西蘭州府渭源縣西烏鼠山東至同州府華陰縣東北入河。

釋名 易氏被曰鄭注洛出懷德疏引詩瞻彼洛矣爲證。

按漢志左馮翊懷德縣之彊梁源卽洛水東南入渭雍州浸懷德卽今京兆之富平縣今縣屬耀州卽漢左馮翊之地北條荆山在縣西正漢志洛水之源也孔安國禹貢注亦曰洛水出馮翊北孔穎達引水志出馮翊

德縣東南流入渭正與漢志合又一洛水出慶州洛源縣在唐京兆之西北五百餘里攷之地志非一源案唐志慶州洛源縣本漢歸德縣屬北地郡有於向山在縣北三十里洛水所出因以名縣東流至鄜州洛交縣又東南流至京兆雲陽縣之東境又經同州澄城縣之西境此去富平之懷德亦甚近不應言兩洛水以其異源而下流同入於渭故皆以洛水名之如冀之清漳濁漳青之大沂小沂徐之兩泗不害其爲名稱之同。

康成注洛出懷德。本漢志。其實北地郡之歸德縣。乃洛水上源。漢志所謂洛水出北蠻夷中入河是也。漢志於歸德但曰洛水。於懷德曰雍州浸原是一水。歸德其源。懷德其委耳。入河即謂入渭也。關中諸水自西而東者。莫大於渭。自北而南者。莫大於洛。易氏因鄭注而疑出慶州洛源者之別為一水。非也。漢歸德縣。唐宋之洛源縣。其下流曰洛川縣。曰洛交縣。皆因此水得名。洛源。今合水縣也。

其利玉石。其民三男二女。其畜宜牛馬。其穀宜

黍稷。

賈氏公彥曰。藍田見有玉山。出玉石。雍州并宜麥。此不言者。以黍稷為主也。易氏被曰。禹貢。雍州厥貢。球琳琅玕。孔氏謂球琳皆玉名。琅玕石似玉。

東北曰幽州。

易氏被曰。舜十二州。本有幽州。水土既平。因冀為帝都。省幽入冀。殷人南都河南之亳。復舜幽州之名。周

人又以幽州兼殷之營州實禹貢青州隔海東北之境故曰東北

幽之東北以醫無閭為鎮而南至淄水則跨海而與青州接界矣

其山鎮曰醫無閭

正義鄭氏康成曰醫無閭在遼東易氏祓曰醫無閭

漢志在遼東郡無慮縣案師古云無慮即所謂醫無閭在今錦州府廣寧縣北

其澤數曰獫狁

獫音

正義鄭氏康成曰獫狁在長廣

賈疏長廣縣名地理志長廣屬徐州琅邪郡有

萊山周時幽州南侵徐州之地也案漢琅邪郡屬徐州者在周亦青州地周無徐州也鄭注南侵徐州據漢時言杜子春讀獫為奚案漢志耳杜子春讀獫為奚作奚易氏祓曰獫狁漢志

在琅邪郡長廣縣西幽州數唐萊州昌陽縣本漢縣屬東萊郡今為萊陽縣獫狁澤在縣東北四十里蓋澤介乎東萊琅邪兩郡之間

獫狁在今山東登州府萊陽縣在禹貢宜屬青州

其川河澍

澍子禮反

正義 易氏祓曰。經於兗州言其川河涕。蓋兗州北距河而南據涕。禹貢言濟河惟兗州。則為兗州之川。宜也。幽州遠在東北。於河涕何與。蓋幽州雖跨有遼水為東北。而實西南越海。兼有青州之東北境。所以琅邪郡之獫狁。養澤。泰山郡之淄水。千乘郡之時水。皆在幽州之域。光武十三年。以遼東屬青州。二十四年。還屬幽州。是幽州實可以有青州。王瓚張楫云。九河陷海中。是九河未陷之前。凡登萊海岸及濱滄二州之東境。皆在幽州之地。與兗州東西分界。故其川同列河涕。

國 河涕二字。經或有訛。易氏雖強言之。恐非其審也。

其浸菑時。

菑禹貢作淄

正義 鄭氏康成曰。菑出萊蕪。時出般陽。蔡氏沈曰。淄

水。地志云。出泰山郡萊蕪縣原山。今淄州淄川縣。案淄川縣

今屬濟南府 東南七十里原山也。東至博昌縣入濟。今青州

壽光縣也。黃氏度曰。淄水出淄州淄川縣原山北。至博興縣入濟。時水在臨淄縣齊城西平地出泉。南北凡

二十五里亦謂之源水。東北至千乘縣入淄。易氏被
 曰。淄水。漢志出泰山郡萊蕪縣原山。東至博昌入泲。幽
 州浸。攷輿地記。則襲慶府萊蕪縣有原山。淄水所出。其
 地卽漢之泰山郡。東北流入淄川縣。漢萊蕪故城在其
 東北。過臨淄縣東。又東北入於海。與漢志入泲不同者。
 蓋入泲乃禹迹之舊。自泲之上流既涸。故淄水入海。時
 水在今青州臨淄縣。本漢千乘郡之地。漢志千乘郡博
 昌縣有時水。東北至鉅定縣入馬車瀆。幽州浸。

淄水。出青州府益都縣西南。顏神鎮東南二十五里
 岳陽山。卽原山也。其山接濟南府章邱淄川泰安府萊
 蕪三縣。淄水出於山之東谷。東北流至青州府壽光縣
 北。由清水泊入海。時出般陽。漢地理志。濟南郡般陽縣
 不言時水出。而千乘郡博昌縣言時水。東北至鉅定入
 馬車瀆。志言其委耳。今山東通志。時水卽烏河。出青州
 府臨淄縣西南槐樹村北流。受澶水系水。逕新城縣之
 索鎮口。東南入博興縣界。下注麻大泊。

其利魚鹽其民一男三女其畜宜四擾其穀宜三種

正義鄭氏康成曰四擾馬牛羊豕三種黍稷稻賈疏幽州西與

冀州相接冀州皆黍稷幽州見宜稻故知三種為黍稷稻也易氏祓曰幽州跨海

故有魚鹽之利

河內曰冀州

正義易氏祓曰舜時十有二州有幽有并有冀水土既平之後以冀為帝都省幽并入焉以餘州準之則知禹

貢冀州東西南三面距河而北境則越乎帛山今之燕雲營平諸州皆其地也殷人以冀州北境復舜之幽州而東西南皆禹跡之舊蓋東河之西西河之東南河之北也故曰兩河間周人又分冀而復舜之并州故曰河內而已

其山鎮曰霍山

正義鄭氏康成曰霍山在兗賈疏厲王流于兗後為縣名漢改為永安縣

易氏祓曰霍山漢志霍太山在河東郡彘縣東唐及今

晉州霍邑本漢旄縣。霍山一名太岳。在縣東三十里。

霍山一名霍太山亦名太岳。今為中鎮。在山西平陽

府霍州東三十里。山周二百餘里。南接岳陽趙城二縣。

北接靈石縣。東接沁源縣界。

其澤數曰楊紆紆影俱反

正義鄭氏康成曰楊紆所在未聞。易氏祓曰楊紆注云未聞。顏師古引爾雅

秦有楊紆。李巡又以為在扶風。而經乃在冀州未詳。

其川漳

正義鄭氏康成曰漳出長子。賈氏公彥曰案禹貢既

脩太原。至于岳陽。覃懷底績。至于衡漳。注岳陽太原之

南漳水橫流入河。地理志漳水出上黨郡沾縣大黽谷。

東北至阜城入河。冀州川行千六百八十里。長子即上

黨也。蔡氏沈曰漳水二。一出上黨沾縣大黽谷。今平

定軍樂平縣少山也。名為清漳。一出上黨長子縣鹿谷

山。今潞州長子縣發鳩山也。名為濁漳。酈道元謂之衡

水。又謂之橫水。東至鄴合清漳。東北至阜城入大河。鄴

今潞州涉縣也。阜城。今定遠軍東光縣也。

清漳水。出今山西平定州樂平縣西南三十里沾嶺。

水經注所謂少山大黽谷也。東南流至河南彰德府涉

縣交漳口。會濁漳水。又東北流入直隸界。至廣平縣分

二支。一支東行入衛河。一支為經流。東北行。經山東邱

縣界。復分二支。一支北行入大陸澤。一支為經流。東北

行。經直隸清河阜城交河。至青縣合衛河。北流至天津

西沽。合桑乾諸水。東行入海。所謂老漳河也。其一支入

大陸者。亦東北行至天津西沽。合諸水入海。所謂新漳

河也。濁漳水。出山西潞安府長子縣西五十里發鳩山。

亦東南流。至交漳口。會清漳。

其浸汾潞。

鄭氏康成曰。汾出汾陽。賈疏。汾陽縣名。蔡氏沈曰。汾水

出於太原。經於太岳。東入於河。易氏被曰。汾水。漢志

出太原郡汾陽縣北山。西南至汾陰入河。冀州浸。攷唐

嵐州靜樂縣。今屬澤州。卽漢汾陽縣之地。汾水東南流。

入太原府之交城陽曲太原清原文水五縣。又東南流。至汾州之溫城介休靈石汾西四縣。又東南流入晉州之霍邑趙城洪洞臨汾四縣。又東南流。至絳州之正平稷山龍平三縣。又南流至河中府之寶鼎縣。北入於河。

存疑鄭氏康成曰。潞出歸德。貢疏歸德縣名。

易氏祓曰。唐潞

州潞城縣。本漢潞縣。屬上黨郡。漳水一名潞水。在縣北。闕駟曰。潞水在縣北。為冀州浸。即漳也。蓋周以濁漳為潞。清漳為漳。黃氏度曰。鄭注潞水出歸德。今慶州華

池縣無潞水。杜佑曰。潞出密雲郡密雲縣。密雲今檀州。水經。鮑邱水從塞外來。經密雲。戍過幽州潞縣西。酈道元曰。鮑邱水入潞。通得潞稱。俗稱東潞。此殆杜佑所謂密雲之潞也。是在幽界。非冀浸矣。酈道元謂他川無可為浸者。巨浪長湍。惟漳水耳。又案今潞城縣。為春秋赤狄潞子嬰兒之國。是則潞之得名已久。漳水至潞為浸。可以灌溉。或以是也。

案潞水有二。其一即濁漳。乃一水而二名。闕駟謂潞水

即漳水。今潞安府潞城縣因水得名者也。其一自塞外經密雲至天津入海者。即今京東之北運河。名為白河。亦曰潞河。杜佑通典所指也。諸儒皆以濁漳當之。則一水而既謂之川。復謂之浸。豈其流者謂之川。而瀦者謂之浸與。又漢時兩歸德縣。一屬汝南。一屬北地。皆與河內冀州無涉。漢志於北地郡歸德縣言洛水出。非潞水也。以康成之精博。寧當以洛水為潞水乎。顏師古注漢書亦依鄭說。不可曉也。北地歸德。今慶陽府東北雍州

之城。豈可以言冀州邪。易氏黃氏以濁漳為潞。正在冀州之地。但川與浸同是一水可疑耳。

其利松柏。其民五男三女。其立田宜牛羊。其穀宜黍稷。

正北曰并州 并卑 盈反

正義 易氏祓曰。舜時有并州。禹貢以并入冀。殷因之。周復分冀。立并州。以天下之勢言之。冀州在西河之東。雍州在西河之西。而并州在冀州之北。故曰正北。

其山鎮曰恆山

正義 鄭氏康成曰恆山在上曲陽。易氏祓曰恆山一

名常山。漢志恆山郡上曲陽縣。恆山北谷在西北。并州山按唐定州恆陽縣有北嶽。今改州為中山府。縣為曲陽。即漢之舊也。

圖 恆山在今直隸定州曲陽縣西北百四十里。又一在渾源州。或云并州之鎮。當主在渾源者。

其澤藪曰昭餘祁

正義 鄭氏康成曰昭餘祁在鄆。陸氏德明曰鄆縣屬太原郡。 黃氏

度曰昭餘祁在汾州介休縣。水經注汾水於大陵縣。左逸為鄆澤。地理志太原郡鄆縣九澤在北。是為昭餘祁。并州藪也。呂氏春秋謂之大昭。又侯甲水逕大谷。謂之大谷水。經祁縣故城南。自縣連延。西接鄆澤。是謂祁藪。樂史寰宇記昭餘祁俗名鄆城泊。祁屬太原。漢故縣也。

圖 昭餘祁在今山西太原府祁縣東七里。

其川虛池嘔夷

虛音呼池徒多反。嘔翁侯反。一音區。

夏官 職方氏

正義 鄭氏康成曰。虓池出鹵城。嘔夷。祁夷與出平舒。

易氏祓曰。虓池河。漢志代郡鹵城縣虓池河。東至參合。入虓池。別從河東至文安入海。并州川。其河自鴈門縣西南流入。崞與唐林二縣。又西南流至忻州秀容縣。又西南流入定襄縣。又南流至太原府之孟縣。又東流至恆州之靈壽真定九門藁城鼓城五縣。又東流至定州之無極縣。又東流入深州之饒陽鹿城安平三縣。又東南流入瀛州之高陽河間二縣。又東流入莫州之唐興

及莫縣。以至任邱文安。即漢志所謂至文安入海者也。嘔夷。鄭注疑即祁夷。出平舒。攷漢志代郡平舒縣有祁夷水。北至桑乾入沽。唐蔚州興唐縣本代郡地。嘔夷一名滄水。出縣西北之高氏山。東北流至興唐縣。又東流至瀛州之博野。東入於河。

三 虓池水。在今山西代州繁峙縣東北泰戲山。至直隸天津府靜海縣小直沽入海。嘔夷水。在今大同府蔚州靈邱縣西北高氏山。一名唐河。至直隸保定府安州北

合於易水。又案鄭注疑嘔夷爲祁夷。酈道元注水經以嘔夷卽滹水。師古注漢書則以并州之川爲滹。二說與鄭注不同。據水經注滹水出代郡靈邱縣高氏山。至長城入于易。祁夷水出平舒縣至桑乾縣入濕水。則祁夷之流短于滹。不足槩一州之川。似當以道元師古二說爲是。但鄭說未必無據。並存之。

其浸涑易

正義 鄭氏康成曰。涑出廣昌。易出故安。易氏被曰。涑

水。漢志代郡廣昌縣涑水。東南至容城入河。并州浸案。唐蔚州飛狐縣卽漢廣昌縣地。有飛狐口。涑水所出。東南流。至易州易縣。又東北流。至涑水縣。又南流入容城縣。卽漢志所謂東至容城入河者也。易水。漢志易水出涿郡故安縣閭鄉。東至范陽入濡。卽并州浸此言易出故安。則近幽州之境。案唐蔚州飛狐縣。周屬并。自縣北入媯州之懷戎。卽古飛狐口。易水所出。東南流。至易州易縣。至北方是漢涿郡故安縣之地。又東流。至涿州之

歸義縣又東北流入涿州范陽縣之南界。即漢志所謂至范陽入涑者也。黃氏度曰。易水有三。皆出易州易縣。寰宇記。北易一名安國河。出縣西北窮獨山。水經注所謂濡水也。中易出閭鄉城寬中谷。東南流至古易京城。與北易合流。入巨馬河。水經注。易水與濡水互攝通稱。南易出縣東南。即山燕王仙臺。東石虎置。東流與雹河會。又東至霸州容城縣。南流入高陽縣。合涑水。水經注。又云。易水至文安縣。與虓池合。班固闕駟皆以此為

南易。文安今霸州縣。并之極東界。

涑水。即拒馬河。發源直隸易州廣昌縣。流入紫荆關。過易州西北界。至房山縣境。分為二支。一東流涿州。經固安縣東南。入桑乾河。一南流涑水縣。經定興新城。入白溝河。易水在易州南三十里。發源易州寬中谷。流至定興縣北河村。合拒馬河。入白溝河。

其利布帛。其民一男三女。其金田宜五。擾其穀宜五種。

正義鄭氏康成曰五擾馬牛羊犬豕五種黍稷麥菽稻也。賈疏六擾中雞為緩故去之若饋用六穀則兼有菘若民之要用則去菘故知為此五者

總論鄭氏康成曰凡九州及山鎮澤藪言曰者以其非

一表其大者耳諸州界揚荊豫兗雍冀與禹貢畧同青

州則徐州地也幽并則青冀之北也無徐梁賈氏公

彥曰周之兗州於禹貢侵青徐之地周之青州於禹貢

侵豫州之地周之雍豫於禹貢兼梁州之地周之冀州

小於禹貢時以北有幽并故也周之九州無徐梁禹貢

有徐梁無幽并蓋自古皆有九州惟舜時置十二州至

夏還為九州。易氏被曰孔安國以禹貢九州為帝堯之制遂謂治水之後舜分為十二州非也舜

典始言肇十有一州次言咨十有二牧然後命禹平水土其先後次第可攷班史言堯遭洪水懷山襄陵天下

分絕為十二州使禹治之水土既平更別九州列五服正所以發明當日置州之意而周之疆域

又異也經於三擾已上則言擾二擾則指畜名三種

已上言種二者則指穀名王氏安石曰九州之序禹

貢始於冀次以兗而終於雍職方則始於揚次以荆而

終於并者蓋禹貢言治水之序職方言遠近之序治水

自帝都始。然後順水性所便。自下而上。故自兗至雍而止。以遠近言之。則周之德化。自西北而南。以南為遠。以遠為難至。故也。始於揚州。則以揚在東南。次以荆。以荆在正南。終於并。則以并在正北。先遠而後近也。薛氏季宣曰。冀兗青徐揚荆豫梁雍。禹貢之九州也。冀豫雍幽營揚兗荆徐爾雅之九州也。揚荆豫青兗雍冀幽并。職方之九州也。郭璞以爾雅所稱為商制。是商有幽營而無禹貢之梁青周有幽并而無禹貢之徐梁。九州

之內。土高者宜黍稷。下者宜稻麥。山氣多男。澤氣多女。東南多絲纊。西北多織皮。先王於民。因其東西南北之殊方。山谷川浸之異宜。男女之異數。馬牛羊豕之異產。黍稷稻粱之異種。丹漆絲枲之異利。為之脩其教。而不易其俗。齊其政。而不易其宜。然後五方之民。各安其性。樂其業。而臻一道同風之治矣。李氏嘉會曰。周九州與禹貢不同者。周時都雍。地不可以不廣。梁州多險阻。故合梁雍為一州。徐地狹隘。故青兼之。堯舜都冀。地壤

最濶人民阜繁。至周亦然。故冀州分爲幽并。

禹貢之分九州。以山川爲界。河也。海也。淮也。黑水也。

此以川爲界也。岱也。荆也。衡也。華也。此以山爲界也。周

官之分九州。以八方三河爲界。正南也。正東也。正西也。

正北也。此以四正之方爲界也。東南也。東北也。此以兩

隅之方爲界也。河內也。河南也。河東也。此以三河之地

爲界也。雍州地廣。故無西北。而亦不及西南者。是時嶺

南之地未闢也。職方列舉九州所利之物產。與禹貢

有無多寡不同。何也。禹貢詳邦國之貢物。而職方則閭

閻所利賴。四民所恃以爲生。其義各異也。

乃辨九服之邦國。方千里曰王畿。其外方五百

里曰侯服。又其外方五百里曰甸服。又其外方

五百里曰男服。又其外方五百里曰采服。又其

外方五百里曰衛服。又其外方五百里曰蠻服。

又其外方五百里曰夷服。又其外方五百里曰

鎮服。又其外方五百里曰藩服。

正義鄭氏康成曰服服事天子也詩云侯服于周賈氏公彥曰侯之言候爲王斥候甸之言田爲王治田出稅男之言任也爲王任其職理采者事也爲王事民以供上衛者爲王衛禦也蠻近夷狄蠻之言縻以政教縻來之自此已下皆夷狄矣夷者以其在夷狄中故以夷言之鎮者以其入夷狄深故須鎮守之藩者以其最在外爲藩籬故以藩爲稱也蠻服大司馬謂之要服亦是要束爲義自侯服已下各舉一邊爲號皆互通也

狄三服亦互相通是以大行人總謂之蕃國世一見也陳氏傅良曰周天下方七千里大槩與四夷八蠻七閩九貉五戎六狄并言之其實諸侯封守不如是之廣也以王制攷之西不盡流沙南不盡衡山東不盡東海北不盡常山凡四海之內絕長補短方三千里且中國壤地亦有戎狄錯居其間如淮夷徐戎姜戎之類是也又荆楚之地在江漢間自楚以南悉爲百越之地而衡山在楚之極南豈盡入中國之版圖邪舉一隅則四海

可知。鄭氏錡曰。九州各以其山川畫界。而九畿自王畿出。四面畫之。地形不能整方。九服濶狹。相補而足。
[案]國語。祭公謀父言。甸侯賓要荒。而以日祭月祀。特享歲貢。終王分繫之。與此異。蓋國語非也。

[通論]蔡氏沈曰。禹貢每服五百里。五服則二千五百里。南北東西相距五千里。故益稷篇言。彌成五服。至于五千。然堯都冀州。冀之北境。并雲中涑易。亦恐無二千五百里。藉使有之。亦皆沙漠不毛之地。而東南財賦之地。

則反棄於要荒。以地勢攷之。殊未可曉。但意古今地土盛衰不同。當舜之時。冀北之地。未必荒落。如後世耳。亦猶閩浙之間。舊爲蠻夷淵藪。而今富庶繁衍。遂爲上國。不可以一時槩也。周制九畿曰。侯甸男采衛蠻夷鎮蕃。每畿亦五百里。而王畿又不在其中。并之則一方五千里。四方相距爲萬里。蓋倍禹服之數也。漢地志亦言。東西九千里。南北一萬三千里。先儒皆言禹服之狹。而周漢地廣。或以周服里數。皆以方言。或以古今尺有長短。

或以爲禹直方計而後世以人迹屈曲取之。要之皆非的論。蓋禹聲教所及。則地盡四海。而其疆理則止以五服爲制。至荒服之外。又別爲區畫。如所謂成建五長是已。周漢則盡其地之所至而疆畫之也。邱氏曰。職方九服而尚書周官唯曰六服。羣辟罔不承德。又曰五服一朝者。蓋衛服之外。聖人雖制之服而不必其來。故武成敘諸侯之助祭。洛誥稱諸侯之和會。康王之誥。陳諸侯之聽命。止言五服而已。

職方鄭氏樵曰。禹貢五服。周官九服制。雖不同。詳攷之。無不合。蓋禹之五服。各五百里。自其一面而數之。職方九服。各五百里。自其兩面而數之也。周之王畿。卽禹之甸服。但不在九服之內。王畿之外。始列爲九服。各五百里。以兩面相方而數之。周之侯甸。卽禹之侯服。周之男采。卽禹之綏服。周之衛蠻。卽禹之要服。周之夷鎮。卽禹之荒服。大率二畿當一服。而周人鎮服之外。又有五百里之蕃服。去王城二千五百里。乃九州之外。地增於禹

貢五百里而已。故大行人言九州之外。謂之蕃服。則九州之外。又有五百里之蕃服明矣。且禹貢既敘五服。又曰。東漸于海。西被于流沙。朔南暨聲教訖于四海。是九州之外地也。又益稷篇曰。弼成五服。至于五千。州十有二師。外薄四海。咸建五長。謂四海之外。各建諸侯為之長。豈非周之蕃服乎。先儒有禹加弼萬里。周斥封疆之說。後人又為圖以實之。皆攷古未精耳。然尚書周官周禮大行人。又有六服承辟六服一朝之文。何也。蓋王巡

守及於六服。言六服則不及夷鎮。言九州之內則不及鎮蕃明矣。

凡邦國千里。封公以方五百里。則四公。方四百里。則六侯。方三百里。則七伯。方二百里。則二十

七伯之七。當依注作十一。

五子。方百里。則百男。以周知天下。
鄭氏康成曰。以此率徧知四海九州邦國多少之數也。方千里者。為方百里者百。
賈疏。方千里。開方之百。里一截。縱橫皆為十截。十十而百。則得為方百里者百。以方三百里之積。以九約之。得十一有

奇。云七伯者。字之誤也。

賈疏。方三百里。三三而九。用為方百里者九十九。為十一伯。餘

有方百里者一。不盡。故云十一有奇。十一似七字。故云字之誤也。

周九州之界。方七千

里。七七四十九。方千里者四十九。其一為畿內。餘四十

八。八州各有方千里者六。一州之中。以其千里封公。則

可四。以其千里封侯。則可六。以其千里封伯。則可十一。

以其千里封子。則可二十五。以其千里封男。則可百。

鄭氏眾曰。此制亦見大司徒職。諸公之地方五百里。諸

侯之地方四百里。諸伯之地方三百里。諸子之地方二

百里。諸男之地方百里。賈氏公彥曰。周惟二王。後稱

公。今言方千里封公。則四公。明其法如此耳。林氏椅

曰。非實有此國也。特計其地之廣狹所能容耳。

案州方千里。合九州。其方三千里。王制云爾。注謂方七

千里。七七四十九。與彼異。

辨正朱子語類。備問鄭氏謂王制是夏商制。中國方三

千里。周公斥而大之。方七千里。所以不同。如何。曰。鄭氏

只文字上說得好看。然甚不曉事情。且如百里國。增到

五百里。須併四箇百里國。方做得一國。其所併四國。又當裂地封之。如此則天下諸侯東遷西移。改立宗廟社稷。皆為騷動矣。若如此。釁去不數大國。便無地可容。何以處之。武王當時封許多功臣之國。緣當初滅國者五十。得許多空地可封。不然則周公太公亦自無安頓處。孟子百里之說。亦是大綱如此說。不是實攷。見得古制也。向來陳君舉進制度說。周禮封疆方五百里。是周圍五百里。徑只百二十五里。方四百里。徑只百里。方三百里。徑只七十五里。方二百里。徑只五十里。方百里。徑只二十五里。自奇其說。與王制相合。然本文方千里之地。以封公。則四公。以封侯。則六侯之類。已有定數。此說如何。可通况男國二十五里。則國君即今之一者長耳。何以爲國。

凡邦國。小大相維。王設其牧。制其職。各以其所能制其貢。各以其所有。

正義 鄭氏康成曰。相維。謂大國比小國。小國事大國。各

有屬相維聯也。案相維如相朝相聘相勝相弔救。裁恤患及奉王命以討有罪之類。設其

牧者。選諸侯之賢者為牧。使牧理之職。牧監參伍之屬。

用能所任秩次。賈疏注謂用其能者。能稱職則以次祿秩之。所有國之地物

所有。賈疏即大宰九貢小行人春入貢及禹貢厥篚厥貢之類。

觀此經則大行人六服所貢各主一物。乃入見時所

貢。而非歲貢之常可知矣。

通論 賈氏公彥曰。王制五國以為屬。屬有長。十國以為

連。連有帥。三十國以為卒。卒有正。二百一十國以為州。

州有伯亦相維之義。牧即大宰建其牧是也。

王將巡守則戒于四方。曰各脩平乃守。致乃職。事無敢不敬。戒國有大刑。

正義 鄭氏康成曰。乃猶女也。守謂國竟之內職事所當

共具。

及王之所行先道。帥其屬而巡戒令。先悉薦反。

正義 鄭氏康成曰。先道先由王所從道。居前巡其前日

所戒之令。

王殷國亦如之。

正義鄭氏康成曰殷猶衆也。十二歲王若不巡守則六服盡朝。謂之殷國。其戒四方諸侯與巡守同。

存疑黃氏度曰大宗伯職殷見曰同。大行人職殷同以施天下之政。此經曰殷國。正謂時巡朝諸侯於方岳。考制度大明黜陟也。言殷國則巡守可知。注謂十二年王若不巡守則六服盡朝。謂之殷國。非也。此年有故不出。則次年亦當出矣。

國殷國或在王城之外或在侯國皆有之。王巡守亦因而舉此禮。然究不可與巡守併作一事也。此經上言巡守而下云王殷國亦如之。則巡守與殷國為二事明矣。但殷國不必於十二年王不巡守之期乃舉之。蓋朝覲之隆禮。非因不巡守故也。詳見大行人職。

土方氏掌土圭之法。以致日景。以土地相宅。而建邦國都鄙。

相悉亮反

正義鄭氏康成曰致日景者。夏至景尺有五寸。冬至景

丈三尺其間則日有長短也。土地猶度地宅居也。知東西南北之深而相其可居者。賈疏景侵入為深地之遠近里數侵入亦為深也。

以辨土宜土化之灋而授任地者。

平義鄭氏康成曰土宜謂九穀植穉所宜也。土化地之

輕重糞種所宜用也。賈疏若草人職駢剛用牛赤緹用羊之類。任地者載師

之屬。

論土宜土化之法皆以土之淺深剛柔燥濕風氣之寒燠而異故土方氏辨之。

論鄭氏鏗曰大司徒有土宜之法草人有土化之法。

土方氏則用是法以授任地者。

王巡守則樹王舍

平義鄭氏康成曰為之藩羅。賈氏公彥曰掌舍設柅

柅之時土方氏亦為王於外周而樹藩羅。

懷方氏掌來遠方之民致方貢致遠物而送逆之達之以節。

平義鄭氏康成曰遠方之民四夷之民也。遠物九州之

外無貢法而至者。黃氏度曰。謂貿易者。達民以旌節。達貢物以璽

節。賈疏。掌節職。道路用旌節。貨賄用璽節。貢物卽貨賄也。

辨陳氏汲曰。注謂諭德延譽以來之。則是漢武使張

騫輩說諭西域之法也。蓋謂遠方之民有歸附者。則懷

方氏懷之。如大小行人之待諸侯耳。

案疏方貢謂六服諸侯。非也。九服之貢。皆大行人致之。

此曰來遠方之民。則非貢使明矣。蓋蕃國之民。以貨物

交易者。或貢其方物。亦不拒也。政職以聚百物。故設此

官

治其委積館舍飲食。

辨鄭氏康成曰。續食其往來。賈疏。遺人職。十里有廬。廬有飲食。三十里有宿。

宿有委。五十里有市。市有積。司儀職。遂行如入之積。是續食其往來也。王氏昭禹曰。治

其委積備其用也。治其館舍安其居也。治其飲食順其

嗜好也。

合方氏掌達天下之道路。

辨鄭氏康成曰。津梁相湊。不得陷絕。

通其財利

正義 鄭氏康成曰。懋遷其有無。賈疏案尚書益稷篇懋遷有無化居蓋禹治水

後懋勉天下徙有之無易其居積若材木徙川澤魚鹽徙山林是通其財利

同其數器壹其度量

正義 鄭氏康成曰。同者權衡不得有輕重壹者尺丈釜

鍾不得有大小

除其怨惡同其好善。惡安路反好呼報反

正義 鄭氏康成曰。怨惡謂邦國相侵虐所好所善謂風

俗所高尚。賈疏風謂政教所施詩序上以風化下又曰風以動之是也俗謂民所承襲曲禮君子行

禮不求變俗是也

案 此官皆柔遠人之事除其怨惡者禁土豪為商旅患

同其好善者彼此地產交相好善則貿遷者利其息故

其文承通財利同數器壹度量之後也上懷方氏來遠

方之民此官達其道路以濟其不通懷方氏致遠物此

官為之鈞調使樂往來也

訓方氏掌道四方之政事與其上下之志誦四

方之傳道傳直專反

正義鄭氏康成曰道猶言也為王說之四方諸侯也上

下君臣也傳道世世所傳說往古之事也為王誦之也

賈氏公彥曰政事及上下之志向王道未必誦之也若

古昔之善道恆誦之於口王問則為王誦之

正歲則布而訓四方而觀新物

正義鄭氏康成曰布告以教天下使知世所善惡也四

時於新物出則觀之以知民志所好惡志淫行辟賈疏王制

命市納賈以觀民之所好惡志淫好辟則當以政教化正之

義四方之政事有得失上下之志有異同既以告於王

則必褒嘉而飭正之故正歲布以為訓也觀新物則利

於民用者可使四方倣效之所謂無者使有利者使阜

也若作無益害有益則禁絕之所謂靡者使微害者使

亡也司徒之屬有誦訓而復設此職者誦訓所掌獨

其國故事此則周知其國政人心俗尚而使王知所以

紀其政教也誦訓所掌獨巡守之事而此則布訓於四

方也。惟此職所誦四方之傳道，即誦訓所道方志。蓋此職采而達之，而後誦訓道之。司徒所布於邦國者，教典之常也。此所布之訓，則因其國政人心俗尚之有偏，而矯革化誘之者。

形方氏掌制邦國之地域，而正其封疆，無有華

離之地。華注音瓜，苦哇反。

正鄭氏康成曰：華讀為瓜，哨之瓜。正之使不瓜邪離

絕。賈疏：地有瓜邪離絕相侵入，故令正之。瓜者，兩頭寬，中狹邪者，謂一頭寬一頭狹。投壺禮云：枉矢啗壺，哨。

亦是下正之義。

王氏安石曰：華與記為國君削瓜華之同義。

華析也。離麗也。地勢應屬此國，而披於他國，則在此為華。在彼為離，而統攝難，爭端起矣。故正之。

使小國事大國。大國比小國。比，至反。

比鄭氏康成曰：比猶親也。易比象曰：先王以建萬國，親諸侯。

諸侯不和，多起於疆場之爭，故事大比小。政教多方，而獨繫此職之末。

山師掌山林之名辨其物與其利害而頒之于邦國使致其珍異之物

正義鄭氏康成曰山林之名與物若岱畎絲枲嶧陽孤

桐賈疏禹貢於青州曰岱畎絲枲於徐州曰嶧陽孤桐岱畎嶧陽是其名絲枲孤桐是其物利其中

人用者害毒物及螫噬之蟲獸賈氏公彥曰山師及

下川師原師等皆遙掌畿外邦國之山川原隰等使出

珍異以供王家也王氏安石曰稻人職澤草所生種

之芒種所謂利有如此者非如注云中人

語王孫滿曰夏之方有德也鑄鼎身不可物而為之

使民知神姦故民入川澤山林不逢不若魍魎魍魎莫

能逢之非特毒物及螫噬之蟲也王氏應電曰旅

獒之訓曰不貴異物民乃足不害遠物則遠人格而此

言致其異物者蓋物性不同自有非常之物可以療疾

備用適欲用之不可必得故有則致之非以之為玩好

而為常貢也

正義各山大澤不以頒其餘山林川澤仍頒之於邦國而

使致其珍異之物。原師掌辨邱陵墳衍原隰之名物。乃以建國邑。與山師川師之職異。故不言所致之物。又原隰皆白穀土。無珍異之可致也。

川師掌川澤之名。辨其物。與其利害。而頒之于邦國。使致其珍異之物。

正義 鄭氏康成曰。川澤之名與物。若泗濱浮磬。淮夷蠙珠暨魚。賈疏見禹貢。澤之荏蒲。

邊師掌四方之地名。辨其丘陵墳衍。邊隰之名。

物之可以封邑者。邊同原

正義 鄭氏康成曰。地名謂東原大陸之屬。賈疏禹貢東原底平。大陸

既作。 賈氏公彥曰。大司徒注。土之高者曰丘。大阜曰陵。水涯曰墳。下平曰衍。高平曰原。平濕曰隰。皆有名。王氏安石曰。辨其名以知平陂燥濕。辨其物以知肥瘠嫩惡。

正義 封建國也。邑制都鄙也。五土獨掌其三者。丘陵墳衍。皆有穀土。可計賦以建國邑。山林川澤之小者。則因其

封域計其穀土相其形勢而頒之以為阻固焉。山師
川師遵師與地官虞衡閭師之職同而事之所主則異
閭師所掌者任地而遵師則封國建邑以辨其疆圉虞
衡所掌者作山澤之材而山師川師則辨利害以為設
險守國之本蓋五物九等國邑封域雖總於司徒而制
畿封國則司馬之職故特設職方形方以專掌之而山
師川師佐焉邦畿之外五地土壤達於四海閭師不能
悉辨也故設遵師與山師川師司險掌固聯事而達於
四方以定城郭溝涂樹渠之分界也

辨鄭氏鈔曰辨其丘陵墳衍原隰之名物之可以封
邑者當為一句

匡人掌達灋則匡邦國而觀其慝使無敢反側
以聽王命

灋鄭氏康成曰灋則八灋八則也邦國之官府都鄙
亦用焉慝姦偽之惡也反側猶背違法度也書曰無反
無側王道正直賈疏書
洪範篇

國灋則冢宰所建。而使司馬之屬達之。且觀其慝。所以警不聽命者。達灋則。遂足以匡邦國者。使其國之臣。皆稟王朝之灋。都鄙之吏。皆守王朝之則。諸侯雖欲反側。而勢不能行矣。

揮人掌誦王志。道國之政事。以巡天下之邦國。而語之。使萬民和說。而正王面。

揮同探語魚據反說音悅

正義 鄭氏康成曰。道猶言也。以王之志與政事論說諸侯。使不迷惑。面猶鄉也。使民之心曉而正鄉王。

案 正王面。所謂四面而內鄉也。匡人達灋則。而邦國之臣皆凜承乎王吏。揮人誦王志。而天下之民皆內鄉於京師。此先王養諸侯而兵不試之道也。齊魯之衰。民不知君。而陪臣各固其私。以成篡奪之漸。則知止邪於未形。周官之所慮遠矣。

都司馬掌都之士。庶子及其衆。庶車馬兵甲之戒令。

正義 鄭氏康成曰。庶子。卿大夫士之子。車馬兵甲。備軍

發卒。賈氏公彥曰。宮伯注。士適子。庶子。其支庶也。此士庶子亦然。

以國灋掌其政學。以聽國司馬。

鄭氏康成曰。學。脩德學道。聽者。受行其所徵為也。

國司馬大司馬之屬皆是。賈疏經云。國司馬不云大司馬。則小司馬。軍司馬。典司馬。

皆得稟其戒命。鄭氏鏐曰。所以會其車甲卒伍財賦者。皆政也。所以教其士庶子脩德學道者。皆學也。

案政若諸子。宮伯掌國之所掌學。若大司馬之所掌。是

即所謂國廩也。都家士庶子之政學。一以王國教諸子

之灋治之。以聽國司馬者。有軍事則聽於諸子。有守政

則聽於掌固也。

王氏與之曰。古者國之子弟。無時不加教。無處不

有學。退在學校。受教於大司馬。大胥諸子。進在王所。受

教於師氏保氏。入而宿衛。宮伯案其在版者而教之。出

而守禦。都司馬掌其政學以教之。非若後世之教。止於

庠序。而庠序之教。又為具文。

次定周官書義疏

家司馬亦如之。

正義鄭氏康成曰。大夫家臣為司馬者。春秋傳。叔孫氏

之司馬。駿戾。賈疏。昭二十五年左傳。叔孫氏之司馬。駿戾。言於其眾曰。我家臣也。不敢知國。諸侯

之卿家自置司馬。此王之卿大夫家亦是自置司馬。故引以况義。

案此謂家司馬視都司馬人數則少。而平時掌戒令政

學。用國灋。有事聽於國司馬。一與都司馬同也。或以春

官序官。家宗人如都宗人之數例之。謂此文與序官各

使其臣以正於公司馬互錯。求以事理之實。決不可通。

蓋都家宗廟社稷以及諸祀大畧皆同。故上士二人中

士四人。不得與都異。若夫士庶子眾庶甲兵之數則小

都視家亦四倍焉。故上士中士外。增設下士八人。正以

所統者眾耳。若移此文於序官。則土地人民僅四分之

一。而官徒則同。不惟無所用之。且將何以供億乎。移序

官之文於本職。則戒令政學不能該。而各使其臣之義

亦不顯矣。

補陳氏汲曰。自大司馬至行司馬。自諸子至旅賁氏。

自司甲至臺人。自校人至圉師。其他則環人戎右戎僕都家司馬皆與戎事者也。自掌固至掌疆則司疆界者也。自射人至掌畜則掌射而兼及鳥獸者也。自犬僕至隸僕及諸右諸馭則左右侍御僕從也。自職方氏至擗人掌輿地自內及外者也。小子羊人掌祭祀則係焉。司隴行火政則係焉。獸人掌方治則係焉。挈壺氏司夜令。司士掌朝儀。弁師掌冠弁則又係焉。設官分職。政又以類相從。或以事類相親。故不必皆軍政也。

大司馬掌邦政以六事為主。故凡兵甲車馬之政。御業從之官。九州邦國之形勝阨塞要害皆屬焉。兵事以賞罰爲主。故首司勳。兵莫重於馬。故馬質次之。政莫重於地。故量人六之。次以卜子羊人者。祭祀之事也。繼以司隴者。火政兵事之要也。設險守固。制勝於未形。故掌固設險。次之。候望譏察。簫勺羣慝。故掌疆候人環人。又次之。挈壺氏三軍之耳目。故又次之。射以武事而備禮樂。自天子以至庶人皆習焉。故射人次之。服不氏射。

烏氏羅氏掌畜。皆因射而及之也。司馬辨論官材。司士佐之。諸子以治國子。司右以治戎右。皆與射人之掌。卿大夫者相次也。虎賁旅賁夾衛王居。節服方相以衛車。而及。故相次焉。大僕小臣祭僕御僕隸僕。皆侍御之官。又次之。王車有五路。乘車之冕弁各有宜。故弁師次之。車中甲兵戈盾弓矢具。故司甲司兵司戈盾司弓矢繕人橐人次之。戎右齊右道右爲車右者。所謂勇士也。大馭戎僕齊僕道僕田僕馭夫御車者。所謂僕夫也。馬以

駕車。校人趣馬。巫馬。牧師。廋人。圉師。圉人。皆掌馬之官。司馬官之所以名者。此也。職方。土方。懷方。合方。訓方。彤方。以及山師。川師。邊師。匡人。擇人。皆所以周知天下之土地形勢。山川林澤原野之險易。而施訓道匡正之法焉。司馬之職。於是盡矣。都家司馬。在食邑采地者。故附之。

